

【寫心境】

論詩暢吟

採菊東籬悟昨非，清風送爽拂塵衣。
桃源仙境尋仙籟，璀璨明霞照夕扉。
天然去飾契聲符，飄逸沉雄品味殊。
勝景登臨無限意，人間清賞未迷糊。
疏鐘野寺夕陽斜，卅載風塵護碧紗。
李杜蘇黃餘韻在，王侯將相是誰家。
西來海外播唐音，玉律金聲豈寂沉。
舜水扶桑傳漢粹，梅花數點歲寒心。
潯陽遷客淚沾衣，落拓江湖孰可依。
千古琵琶千古月，低徊今夕旅魂飛。
蔥蘢奕世嗣炎黃，一卷離騷念沅湘。
歷亂詩人風格異，難窺隱晦玉谿堂。
易安居士譜清商，故國神遊夜未央。
百感騷懷描不盡，柳綿飛絮水雲鄉。

九二自壽

平生志不在封侯，化雨春風可解憂。
且樂園林酣美景，寄情詩畫展明眸。
良師益友常歡敘，淡飯清茶互唱酬。
九二堅持三保健，感恩知足復何求。